

*FCCP cu campaña educativo tocante di cancer di prostaat***Cancer di prostaat ta e cancer mas comun cu ta afecta hende homber na Aruba**

**PALM BEACH** - E lucha contra cancer di prostaat a haya un bos fuerte y pro activo den e organisacion sin fin di lucro FCCP (Fundacion Contra Cancer di Prostaat). E fundacion a lansa su campaña di conscientisacion cu un lectura na publico en general, organisa pa medio di Koningin Wilhelmina Fonds Kankerbestrijding (KWF), inmediatamente despues di keda funda na November 2013 y awor ta ampliando su

penetracion door di bishita companianan individual. Playa Linda Beach Resort tabata orguyoso di tabata huesped di e prome charla den e serie aki, yamando bonbini na un fundacion cu ta e prome di su tipo na Aruba pa enfoca especificamente riba cancer di prostaat y malesanan relaciona cu prostaat. "Cancer di prostaat ta e forma di cancer mas comun cu ta afecta hende homber na Aruba, pero unicamente

uno den 35 hende homber ta muri di e malesa si nan busca tratamento," asina a comenta presidente di FCCP sr. Rudy R. Rodriguez. "Nos kier yuda kibra tabu y miedo prome tocante testimonio y den busca ayudo.

Door di inicia e discusion y den papia di prevencion y opcion di tratamento, como tambe door di duna asistencia, e fundacion ta logra un gol primordial den e impacto den bida di hende homber y



nan famia den forma positivo."

Den e presentacion recien na empleadonan di Playa Linda Beach Resort, sr. Rodriguez a duna un excelente repaso di e malesa asina comun, como tambe con dieta por haci un diferencia den esfuersonan di prevencion.

Door di comparti su propio experiencia, el a duna un perspectiva unico di cancer di prostaat y e metodonan disponibel den combati e malesa.

Hunto cu e campaña di conscientisacion, sr. Rodriguez — hunto cu coleganan di hunta ehecutivo di FCCP: Secretario sr. Wilbert (Gino) G. Marchena, Tesorero sr. Cesar Angela, Tesorero, Director sr. Benny Gomez, Director sr. Julio Kock y Asistentman, sr. Richard Krozendijk, sr. Jurgen Benschop, sr. Jan Leysner, y sr. Romulo Fingal — ta trahando pa establece programanan di informacion den media, gruponan di apoyo como tambe ehecuta esfuersonan di recaudacion di fondo. (Cualquier donacion na esfuersonan di FCCP ta bonbini y por ser haci traves di Banco di Caribe, acct. #822865-0.)

"Nos ta gradici na FCCP pa personalmente bishita nos resort y den haci informacion asina valioso disponibel na su empleadonan," asina a declara Playa Linda su Gerente di Recurso Humano, sra. Sulaika Kelly. "Playa Linda ta cuida su empleadonan, y e presentacion aki ta yuda nos den nos meta pa segura e salud y bienestar di nos asociadonan."

Mas informacion tocante FCCP, cancer di prostaat of malesanan relaciona cu prostaat ta disponibel door di yama Cel: 593-7059, of door di skirbi via email: rudyrobert13@hotmail.com, angel100@setarnet.aw of wnmarchena@hotmail.com. □